

Aurrera Begira

GAZTEEN AURREIKUSPENEI
BURUZKO ADIERAZLEAK

2013



EUSKO JAURLARITZA
GOBIERNO VASCO

LEHENDAKARITZA
Lehendakariaren Kabinetearen Zuzendaritza
Prospekzio Soziologikoen Kabinetea

PRESIDENCIA
Dirección de Gabinete del Lehendakari
Gabinete de Prospección Sociológica



Gazteen
Euskal Behatokia
Observatorio Vasco
de la Juventud



ZER DA AURRERA BEGIRA?

Euskadiko gazteek etorkizuna nola ikusten duten jakitea da **Aurrera Begira** ikerketaren helburu nagusia. Horretarako, gazteen aurreikuspenak aztertzen dira, enplegua edo emantzipazioa bezalako funtsezko gaietan arreta jarrita, eta etorkizunarekiko konfiantza indizea sortzen da.


Ikerketa hau, **Gazteen Euskal Behatokiaren** eta **Prospekzio Soziologikoen Kabinetearen** arteko elkarlantzat planteatu da, hasiera-hasieratik. Elkarlan horren emaitzaz, 15 eta 29 urte bitarteko gazteen iritziak eta 30 urtetik gorakoek eskainiko dira. Izan ere, aurreko ikerketetan neurri batean egiaztatuta dagoen hipotesi bat dugu: gazteek, zailtasunak gorabehera, nagusiagoek baino bizi-jarrera baikorragoa dutela, oraindik ere.

EAEko biztanleen lagin adierazgarri batek inkesta telefonikoan emandako erantzunetan oinarrituta dago ikerketa. Laginean, protagonismo berezia eman zaio 30 urtera arteko gazteen presentziari.

Inkesta horren emaitzetan oinarrituta, hamar adierazle prestatu dira, gazteek egungo egoeraren eta, batez ere, etorkizunaren aurrean duten jarreraren sintesia eskainiko dutenak.

- 1 Egungo egoeraren balorazio indizea
- 2 Norberaren poztasun indizea
- 3 Bizitzaren alderdien balantzea
- 4 Lana galtzeko edo baldintzak okertzeko arriskua
- 5 Lana aurkitzea aurreikustea
- 6 Prestakuntzari lotutako lana izatea aurreikustea
- 7 Derrigorrez emigratu beharra aurreikustea
- 8 Emantzipazioa zapuztuko dela aurreikustea
- 9 Gazteen gaitasunekiko konfiantza indizea
- 10 Etorkizunarekiko konfiantza indizea

Adierazle hauek lantzeko oinarritzat hartu diren inkestako galdera guztien erantzunak **Gazteen Euskal Behatokiaren** webgunean kontsulta daitezke, baita **Prospekzio Soziologikoen Kabinetearenean** ere.





ZEHAZTASUN TEKNIKOAK

METODOLOGIA

Kuantitatiboa, galdera-sorta egituratu eta itxiko inkesta telefonikoen bidezkoa.

INKESTATURIKO UNIBERTSOA

15 urteko eta goragoko EAeko biztanleak.

INKESTA KOPURUA

1516 inkesta 15 eta 29 urte bitarteko gazteei eta 943 inkesta 30 urteko eta hortik gorako biztanleei.

LAGIN AKATSA

% \pm 2,5, gazteen kolektiboan; % \pm 3,2, 30 urtekoen eta goragokoen kolektiboan (% 95,5eko konfiantza-maila eta $p=q=0,5$).

INKESTAK EGITEKO EPEA

2013ko azaroaren 28tik abenduaren 10era.

IKERKETAREN DISEINUA ETA ANALISIA

Gazteen Euskal Behatokiak eta Prospekzio Soziologikoen Kabineteak elkarlanean egina.

LANDA LANA

Ikerfel, S.L.




1

EGUNGO EGOERAREN BALORAZIO INDIZEA

DEFINIZIOA:

Norberaren egoera pertsonalari, gazteen egoera orokorrari eta Euskadiren egoerari emandako balorazioen batez besteko puntuazioa, 0tik 100era doan eskalan.



Adierazlearen interpretazioa:

Adierazlearen emaitza 0 eta 100 bitartekoa da. Emaitza 100era gerturatuz doan heinean, balorazioa positiboagoa da; zenbat eta 0tik hurbilago, aldiz, orduan eta negatiboagoa da.



I. Eranskina. Datuak sexuka, adin taldeka eta lurralde historikoka.




II. Eranskina. Adierazlearen eraikuntza.

2

NORBERAREN POZTASUN INDIZEA

DEFINIZIOA:

Norberaren lan, prestakuntza, etxebizitza, familia, astialdi, lagun, harreman sentimental edota sexual, osasun, diru-eskuragarritasun eta independentzia pertsonalarekiko poztasunari emandako balorazioen batez besteko puntuazioa, 0tik 100era doan eskalan.



Adierazlearen interpretazioa:

Adierazlearen emaitza 0 eta 100 bitartekoa da. Emaitza 100era gerturatuz doan heinean, balorazioa positiboagoa da; zenbat eta 0tik hurbilago, aldiz, orduan eta negatiboagoa da.



I. Eranskina. Datuak sexuka, adin taldeka eta lurralde historikoka.



II. Eranskina. Adierazlearen eraikuntza.

3



BIZITZAREN ALDERDIEN BALANTZEA

DEFINIZIOA:

Bizitzaren hamar alderdirekiko poztasun pertsonalaren eta horietako bakoitzari emandako garrantziaren arteko aldea, bi kasuetan 0tik 100era doan eskala erabilita. Aintzat hartu diren hamar alderdiak honako hauek dira: lana, prestakuntza, etxebizitza, familia, astialdia, lagunak, harreman sentimentalak edota sexualak, osasuna, diru-eskuragarritasuna eta norberaren independentzia.

15-29 urte

≥30 urte



● Garrantzia

● Poztasuna

Adierazlearen interpretazioa:

0tik 100era doan eskalan, bizitzaren alderdiori ematen zaien garrantzi-maila adierazten dute puntuak, bai eta horiekiko poztasun-maila ere. Zenbat eta 100etik gertuago, orduan eta handiagoa da alderdion garrantzia edota poztasun-maila. Garrantziari dagokion puntuaren eta poztasun-mailari dagokion puntuaren arteko aldeak edo azalerak alderdi horretan dagoen defizit-maila adierazten du. Distantzia zenbat eta handiagoa izan, defizita orduan eta handiagoa da.



I. Eranskina. Datuak sexuka, adin taldeka eta lurralde historikoka.



II. Eranskina. Adierazlearen eraikuntza.

4


LANA GALTZEKO EDO BALDINTZAK OKERTZEKO ARRISKUA

DEFINIZIOA:

Langileen portzentajezko banaketa, urtebeteko epean enplegua galtzeko edo norberaren lan-baldintzek okerrera egiteko arriskuaren pertzepzioaren arabera.

Kanpoko zirkulua: 15-29 urte

Barruko zirkulua: ≥30 urte



Adierazlearen interpretazioa:

Arrisku-maila altuak esan nahi du enplegua galtzeko aukera handiak edo nahikoak antzematen direla; arrisku-maila ertainak esan nahi du enplegua galtzeko arriskurik ez badago ere, lan-baldintzek okerrera egiteko aukera handiak edo nahikoak daudela; eta arrisku-maila baxuak esan nahi du ez dagoela arriskurik ez enplegua galtzeko, ezta lan-baldintzak okertzeko ere.




I. Eranskina. Datuak sexuka, adin taldeka eta lurralde historikoka.



II. Eranskina. Adierazlearen eraikuntza.

DEFINIZIOA:

Urtebeteko epean enplegua aurkitzea espero duten langabeen ehunekoa.

**Adierazlearen interpretazioa:**

Balioa zenbat eta handiagoa izan, orduan eta handiagoa da urtebeteko epean enplegua izatea espero duten langabeen ehunekoa.



I. Eranskina. Datuak sexuka, adin taldeka eta lurralde historikoka.




II. Eranskina. Adierazlearen eraikuntza.

PRESTAKUNTZARI LOTUTAKO LANA IZATEA AURREIKUSTEA

DEFINIZIOA:

Ikasketak bukatutakoan, prestakuntzari lotutako enplegua aurkitzea espero duten ikasleen ehunekoa.

15-29 urte



Adierazlearen interpretazioa:

Balioa zenbat eta handiagoa izan, orduan eta handiagoa da ikasketak bukatutakoan ikasketari lotutako enplegua aurkituko dutela espero duten ikasleen ehunekoa.



I. Eranskina. Datuak sexuka, adin taldeka eta lurralde historikoka.




II. Eranskina. Adierazlearen eraikuntza.

DERRIGORREZ EMIGRATU BEHARRA AURREIKUSTEA

DEFINIZIOA:

Etorkizunean atzerrira lan egitera emigratu beharko dutela uste duten pertsonen kopurua, joan nahi izan gabe.



Adierazlearen interpretazioa:

Balioa zenbat eta handiagoa izan, handiagoa da atzerrira lan egitera joan beharko dutela uste dutenen ehunekoa.



I. Eranskina. Datuak sexuka, adin taldeka eta lurralde historikoka.



II. Eranskina. Adierazlearen eraikuntza.

EMANTZIPAZIOA ZAPUZTUKO DELA AURREIKUSTEA

DEFINIZIOA:

Urtebeteko epean emantzipazio-proiektuak burutu ezin izango dituztela uste duten gazteen ehunekoa, gurasoen etxetik ezingo direlako irten edo bertara itzuli beharko dutelako.

15-29 urte

45

%0

%50

%100

Adierazlearen interpretazioa:

Balioa zenbat eta handiagoa izan, handiagoa da emantzipazio-aukerak zapuztuta ikusten dituzten gazteen ehunekoa (gurasoen etxetik ezingo direlako irten edo bertara itzuli beharko dutelako).



I. Eranskina. Datuak sexuka, adin taldeka eta lurralde historikoka.




II. Eranskina. Adierazlearen eraikuntza.

GAZTEEN GAITASUNEKIKO KONFIANTZA INDIZEA

DEFINIZIOA:

Zailtasunei aurre egiteko beharrezkotzat jotzen diren gaitasun batzuk aintzat hartuta (langilea, arduratsua, kualifikatua, parte-hartzailea, ekintzailea, idealista eta autonomoa izatea), Euskadiko gazteek gaitasunok zein mailatan dituzten iritziaren batez besteko puntuazioa 0tik 100era doan eskalan.



Adierazlearen interpretazioa:

Adierazlearen emaitza 0 eta 100 bitartekoa da. Balioak 100era gerturatuz doazen heinean, konfiantza handiagoa dago gazteek arazoei aurre egiteko dituzten gaitasunetan; balioak zenbat eta apalagoak izan, txikiagoa da gazteen gaitasunetan dagoen konfiantza.



I. Eranskina. Datuak sexuka, adin taldeka eta lurralde historikoka.




II. Eranskina. Adierazlearen eraikuntza.

ETORKIZUNAREKIKO KONFIANTZA INDIZEA

DEFINIZIOA:

Norberaren egoerak, gazteenak eta Euskadirenak hurrengo 5 urteetan izango duten bilakaerari buruzko usteen batez besteko puntuazioa, 0tik 100era doan eskalan.



Adierazlearen interpretazioa:

Adierazlearen emaitza 0 eta 100 bitartekoa da. Balioak 100era gerturatuz doazen heinean, konfiantza handiagoa dago egoerak epe ertainean hobera egiteko; balioak zenbat eta apalagoak izan, egoera hobetzeko konfiantza txikiagoa da.



I. Eranskina. Datuak sexuka, adin taldeka eta lurralde historikoka.



II. Eranskina. Adierazlearen eraikuntza.



ONDORIOAK

ORAINA

Gazteak pozik daude euren bizitzarekin, baina ez horrenbeste gizarte-errealitatearekin.

- ✓ Otik 100era, 60 puntu eman dizkiote gazteek egungo egoerari. Horrek esan nahi du badagoela zer hobetu. Gazteak baikorrak dira 30 urteko eta hortik gorako biztanleak baino. Izan ere, 30 urtekoek eta nagusiagoek 53 puntu eman dizkiote gaurko egoerari.

Eguno egoeraren balorazio indizearen hiru alderdietatik, norberaren egoerak jaso du puntuaziorik onena; jarraian, Euskadiren egoerak; eta, azkenik, puntuaziorik apalena, gazteen egoerak.

- ✓ Bizitzaren oinarriko hainbat alderdirekiko poztasun-mailaren batez bestekoa handia da, 80koa, Otik 100era doan eskalan. Aztertutako alderdi guztiek gaituzte, gazteen ustez. Baloraziorik onenak jaso dituzten alderdiak familia, osasuna eta lagunak izan dira. Baloraziorik txarrena, aldiz, eskura duten diruak jaso du.

- ✓ Bizitzaren alderdi bati emandako garrantzi-mailaren eta alderdi horretan sentitutako poztasun-mailaren arteko alderik edo desorekarik handienak hemen antzeman daitezke: lanean (15 puntuko defizita gazte okupatuengan), eskuragarri duten diruan (14 puntuko defizita), independentzia pertsonalean (11 puntukoa) eta ikasketetan edo prestakuntzan (10 puntukoa). Gabeziek, beraz, enpleguari (edo enplegurako prestakuntzari) eta emantzipazioari lotuta daude.

30 urteko eta hortik gorako biztanleekin alderatuta, gazteek defizit handiagoak dituzte independentzia pertsonalari dagokionez, eta desoreka txikiagoa prestakuntzari edo osasunari dagokienez.

20 urtera arteko gazteen kolektiboa baikorrena da orainarekin, bai eta bere egoerarekin poztasun-mailarik handiena duena ere.

Kolektiborik ezkorrena eta gogobete gabeena, ordea, langabezia dauden gazteena da.

ENPLEGUARI ETA EMANTZIPAZIOARI BURUZKO AURREIKUSPENAK

Enpleguari eta emantzipazioari buruz azaleratutako gabezien harira, adierazi beharra dago gazteak nahiko ezkorrek direla epe laburreko aurreikuspenak direla-eta.

- ✓ Hamar gazte okupatutatik lauk (%39k) urtebeteko epean enplegua galtzeko arrisku-maila altua dute (30 urteko eta gehiagoko biztanle okupatuek baino 20 puntu gehiago). % 18k arrisku-maila ertaina dute, hau da, ez dute uste probablea denik enplegua galtzea, baina bai lan-baldintzek okerrera egitea. % 43 baino ez daude arrisku-maila baxuan, hau da, ez dute uste urtebeteko epean enplegua galduko dutenik edo lan-baldintzak okertuko zaizkienik.
- ✓ Langabezian dauden gazteen erdiek baino ez dute uste urtebeteko epean enplegua aurkituko dutela (% 54k). Enplegua eskuratzeko aurreikuspena ez da altua, baina handiagoa da 30 urteko eta hortik gorako langabeek adierazitakoa baino (% 33).
- ✓ Prestakuntzarekin lotutako enplegua aurkitzeari dagokionez, erdiak baino gutxixeago dira (% 46) uste dutenak ikasketak bukatutakoan euren prestakuntzarekin bat datorren enplegua aurkituko dutela.
- ✓ Gazteen % 16k uste dute etorkizunean atzerrira irten beharko dutela lan egitera, emigratu nahi izan gabe. Ehuneko hori askoz ere altuagoa da 30 urtekoena eta adinez nagusiagoena baino (% 4). Enplegua galtzeko edo prekarizatze arriskua, langabezian daudenen urtebeteko epean enplegua aurkitzeko itxaropen ahula edo ikasketei lotutako enplegua aurkitzeko itxaropen-eza direla-eta, emigratu behar izango dutela uste dute, are gogoz kontra ere.
- ✓ Gazteen emantzipazio-proiektuak ezin omen dira epe laburrean gauzatu, nahi duten moduan. Gurasoen etxetik irten ezin izango direlako edo bertara bueltatu behar izango dutelako, emantzipazioa zapuztuko dela aurreikusten dute ia gazteen erdiek (% 45).

Neska okupatuen artean, enplegua galtzeko arrisku altuaren pertzepzioa mutil okupatuena baino 10 puntu garaiagoa da. Ikasten ari direnen artean, prestakuntzari lotutako enplegua lortzeko aurreikuspena 10 puntu apalagoa da neskengan, mutilengan baino.

Prestakuntzarekin lotutako enplegua aurkitzeari dagokionez edo atzerrira lan egitera irten behar izateari dagokionez, 20 urtera arteko gazteak dira ezkorrenak. 20 eta 24 urte bitartekoen taldeak frustrazio-mailarik altuenak ditu, euren emantzipazioaren harira.



ETORKIZUNA

Zailtasunak egon arren, gazteek konfiantza dute euren gaitasunetan, eta egoera epe ertainean hobetuko dela uste dute.

- ✓ Gazteek dituzten gaitasunetan konfiantza izatea funtsezkoa da zailtasunei aurre egiteko. Orik 100era doan eskalan, 66 puntu jaso ditu indize horrek, eta ez dago alderik 30 urtetik gorakoek eta beherakoek artean.
- ✓ Etorkizunean konfiantza izateari dagokion indizeak ere emaitza positiboa jaso du, baikorragoa gazteengan 30 urteko eta hortik gorako biztanleengan baino. 64 puntu jaso ditu indize honek gazteen artean, hau da, nolabaiteko baikortasuna erakusten dute bost urtera begira. 30 urtetik gorakoek ez dute horrenbesteko konfiantzarik etorkizunean (54 puntu), eta aldea alderdi pertsonalaren ikuspegi ezkorragoan oinarritzen da.

Lanik ez duten gazteak dira etorkizunean konfiantza-mailarik handiena dutenak: 71ko indizea erakusten dute.

Horrenbestez, ondoriozta daiteke gaur egun, egoera pertsonala dela-eta, gazteek poztasun-maila handia dutela, gizarte-errealitatearen beste alderdi batzuetan ez bezala. Gabeziarik handienak enpleguari eta emantzipazioari lotuta daude. Epe laburrean, alderdi horien inguruko aurreikuspenak ez dira positiboak: ez enplegua aurkitzeari, ez enplegu hori egindako ikasketekin lotuta egoteari, ez enplegua izaten jarraitzeari, ez emantzipazio-proiektua gauzatu ahal izateari dagokionez. Edozein kasutan, gazteek konfiantza dute etorkizunean, bai eta gazteek krisi-egoera gainditu ahal izateko dituzten gaitasunetan ere.



I. ERANSKINA

Datuak sexuka, adin taldeka eta lurralde historikoka

	Neurria	Gazteak 15-29 urte guztira	Sexua		Adin taldeak			Lurralde historikoa			≥30 urtekoak guztira
			Gizon gazteak	Emakume gazteak	15-19 urte	20-24 urte	25-29 urte	Araba	Bizkaia	Gipuzkoa	
Egungo egoeraren balorazio indizea	(0-100)	60	60	61	69	60	55	62	59	61	53
Norberaren poztasun indizea	(0-100)	80	79	80	81	78	78	80	79	80	79
Bizitzaren alderdien balantzea											
Osasunari emandako garrantzia	(0-100)	96	96	96	96	96	96	95	96	96	96
Familiari emandako garrantzia	(0-100)	94	93	95	95	94	94	94	94	94	94
Lanari emandako garrantzia	(0-100)	89	88	90	88	89	90	88	89	89	91
Adiskideei emandako garrantzia	(0-100)	88	88	89	90	89	87	88	89	88	86
Formakuntzari emandako garrantzia	(0-100)	86	84	89	88	87	84	86	86	86	89
Etxebizitzari emandako garrantzia	(0-100)	86	85	88	88	87	85	84	87	86	87
Independentzia pertsonalari emandako garrantzia	(0-100)	86	84	88	84	86	87	85	86	87	87
Harreman sentimentalei edota sexualei emandako garrantzia	(0-100)	85	85	85	84	85	86	84	85	86	84
Astaldiari emandako garrantzia	(0-100)	84	83	85	83	83	84	84	84	83	83
Diruari emandako garrantzia	(0-100)	79	78	80	78	79	80	78	79	79	76
Osasunarekiko poztasuna	(0-100)	88	88	88	91	89	86	88	88	88	81
Familiarekiko poztasuna	(0-100)	90	89	90	91	89	89	91	89	90	90
Lanarekiko poztasuna (lan egiten dutenek bakarrik)	(0-100)	74	76	72	-	71	74	73	73	76	78
Adiskideekiko poztasuna	(0-100)	86	85	86	90	85	83	85	86	85	82
Ikasketekiko, formakuntzarekiko poztasuna	(0-100)	76	74	77	79	75	74	77	75	77	69
Bizi diren etxebizitzarekiko poztasuna	(0-100)	85	86	85	90	87	81	86	85	85	85
Independentzia pertsonalarekiko poztasuna	(0-100)	75	73	77	80	72	74	77	73	77	82
Harreman sentimental edota sexuarekiko poztasuna	(0-100)	81	79	82	80	79	82	81	80	81	79
Astaldiarekiko poztasuna	(0-100)	76	76	75	80	74	75	75	76	76	78
Duten diruarekiko poztasuna	(0-100)	65	65	64	77	63	58	66	63	67	64
Lana galtzeko edo baldintzak okertzeko arriskua											
Arrisku-maila altua	%	39	33	43	-	53	35	37	42	35	19
Arrisku-maila ertaina	%	18	21	15	-	14	19	19	16	20	27
Arrisku-maila baxua	%	43	46	41	-	33	46	44	42	45	54
Lana aurkitzea aurreikustea	%	54	51	57	-	46	57	57	54	53	33
Prestakuntzari lotutako lana izatea aurreikustea	%	46	51	41	51	43	35	45	43	52	-
Derrigorrez emigratu beharra aurreikustea	%	16	17	15	19	18	13	13	17	16	4
Emantzipazioa zapuztuko dela aurreikustea	%	45	45	45	46	61	32	39	50	41	-
Gazteen gaitasunekiko konfiantza indizea	(0-100)	66	63	68	66	63	68	69	63	69	68
Etorkizunarekiko konfiantza indizea	(0-100)	64	63	65	63	62	65	64	64	63	56



II. ERANSKINA

Adierazleen erainkuntza

1

Egungo egoeraren balorazio indizea (EEBI)

Adierazlea hiru galderatan oinarritzen da. Norberaren egoera pertsonalari (A), Euskadiko gazteen egungo egoerari (B) eta Euskadiren egungo egoerari (C) 0tik 10era bitarteko puntuazioa ematea eskatu zaie inkestatuei.

Adierazlea kalkulatzeko, alderdi bakoitzari emandako puntuazioen batez besteko aritmetikoa egin da, eta emaitza 10ez biderkatu da, 0tik 100era doan eskalara egokitzeko.

$$EEBI = [(A+B+C) / 3] \times 10$$

2

Norberaren poztasun indizea (NPI)

Adierazlea galdera batean oinarritzen da. Euren bizitzaren alderdi hauetako bakoitzarekin duten poztasun-mailari 0tik 10era bitarteko puntuazioa ematea eskatu zaie inkestatuei: lanarekin (A), prestakuntzarekin (B), etxebizitzarekin (C), familiarekin (D), astialdiarekin (E), adiskideekin (F), harreman sentimental edota sexuarekin (G), osasunarekin (H), diru-eskuragarritasunarekin (I) eta independentzia pertsonalarekin (J).

Adierazlea kalkulatzeko, alderdi bakoitzari emandako puntuazioen batez besteko aritmetikoa egin da, eta emaitza 10ez biderkatu da, 0tik 100era doan eskalara egokitzeko.


$$NPI = [(A + B + C + D + E + F + G + H + I + J) / 10] \times 10$$

3

Bizitzaren alderdien balantzea (BAB)

Balantzea kalkulatzeko, bi galdera hartzen dira oinarri. Galderotan, zera eskatu zaie inkestatuei: batetik (A), bizitzaren hainbat alderdirekin duten poztasun-maila pertsonala baloratzea, 0tik 10era doan eskalan (lanarekin (A1), prestakuntzarekin (A2), etxebizitzarekin (A3), familiarekin (A4), astialdiarekin (A5), adiskideekin (A6), harreman sentimental edota sexuarekin (A7), osasunarekin (A8), diru-eskuragarritasunarekin (A9) eta independentzia pertsonalarekin (A10)); eta, bestetik (B), alderdi horietako bakoitzari ematen zaion garrantzia (lanari (B1), prestakuntzari (B2), etxebizitzari (B3), familiari (B4), astialdiari (B5), adiskideei (B6), harreman sentimental edota sexuarekin (B7), osasunari (B8), diru-eskuragarritasunari (B9) eta independentzia pertsonalari (B10)), berriro ere 0tik 10erako eskalan.

Balantzea kalkulatzeko, balio guztiak 10ez biderkatu dira, 0tik 100era doan eskalara egokitzeko, eta, ondoren, horien adierazpen grafikoa egin da, bizitzaren alderdi horiei dagozkien poztasun-mailaren eta garrantzi-mailaren batez bestekoen arteko aldea agerian uzteko.



4

Lana galtzeko edo baldintzak okertzeko arriskua (LGBOA)

Biztanle okupatuei egindako bi galderatan oinarritzen da adierazlea. Lehen galderan (A), inkestatuei galdetu zaie zein neurritan uste duten probablea dela (seguru aski bai, agian bai, ez duzu uste, seguruenik ez) urtebeteko epean enplegua galtzea. Bigarren galderan (B) lana galtzeko arriskua aurreikusten ez dutenei galdetu zaie zein neurritan uste duten probablea dela (seguru aski bai, agian bai, ez duzu uste, seguruenik ez) urtebeteko epean euren lan-baldintzek okerrera egitea.

Adierazlea kalkulatzeko, hiru arrisku-maila ezarri dira: altua, ertaina eta baxua. Maila altuan, lana seguruenik edo agian galduko dutela uste dutenak kokatuko lirатеke; maila ertainean, lana galduko dutela uste ez arren, seguruenik edo agian lan-baldintzak okertuko zaizkiela uste dutenak kokatuko lirатеke; maila baxuan kokatuko lirатеke uste ez dutenak lana galduko dutenik ezta lan-baldintzek okerrera egingo dutenik ere.

LGBOA altua = (A = Seguru aski bai edo Agian bai)

LGBOA ertaina = (A = Ez duzu uste edo Seguruenik ez & B= Seguru aski bai edo Agian bai)

LGBOA baxua = (A = Ez duzu uste edo Seguruenik ez & B= Ez duzu uste edo Seguruenik ez)

5

Lana aurkitzea aurreikustea (LAA)

Adierazlea galdera batean oinarritzen da (A), eta bertan langabeei ondokoa eskatu zaie: adieraz dezatela zein neurritan uste duten probablea dela (seguru aski bai, agian bai, ez duzu uste, seguruenik ez) urtebeteko epean enplegua aurkitzea.

Adierazlea kalkulatzeko, urtebeteko epean seguru aski edo agian enplegua aurkituko dutela uste dutenen ehunekoak hartu dira kontuan.

LAA = (A= Seguru aski bai edo Agian bai)

6

Prestakuntzari lotutako lana izatea aurreikustea (PLLIA)

Adierazlea galdera batean oinarritzen da (A), eta bertan ikasleei galdetu zaie zein neurritan uste duten probablea dela (seguru aski bai, agian bai, ez duzu uste, seguruenik ez) euren prestakuntzarekin lotutako enplegua aurkitzea, ikasketak amaitutakoan.

Adierazlea kalkulatzeko, prestakuntzari lotutako enplegua seguru aski edo agian lortuko dutela uste dutenen ehunekoak hartu dira kontuan.

PLLIA = (A = Seguru aski bai edo Agian bai)

7

Derrigorrez emigratu beharra aurreikustea (DEBA)

Adierazlea 65 urtetik beherako biztanleei eginiko bi galderatan oinarrituta dago. Lehen galderan (A) inkestatuei galdetu zaie zein neurritan uste duten probablea dela (seguru aski bai, agian bai, ez duzu uste, seguruenik ez) etorkizunean atzerrira lan egitera joan behar izatea. Bigarrenean (B) pertsona berberei galdetu zaie zein neurritan joan nahi izango luketen atzerrira lanera (asko, nahikoa, gutxi, batere ez).

Adierazlea kalkulatzeko, seguru aski edo agian atzerrira joan beharko dutela baina joateko gogo gutxi edo batere ez dutela dioten lagunak bakarrik hartu dira kontuan.

DEBA = (A = Seguru aski bai edo Agian bai & B= Gogo gutxi edo Batere ez)

8

Emantzipazioa zapuztuko dela aurreikustea (EZA)

Adierazlea lau galderatan oinarritzen da. Gazteei (30 urtera arteko) baino ez zaizkie egin galderok. Lehen bi galderak gazte ez emantzipatuei egin zaizkie; hirugarrena eta laugarrena, aldiz, gazte emantzipatuei.

Lehen galderan (A) gazte ez emantzipatuei eskatu zaie adieraz dezatela zein neurritan uste duten probablea dela (seguru aski bai, agian bai, ez duzu uste, seguruenik ez) urtebetean emantzipatzea, eta bigarren (B), zein neurritan nahi duten emantzipatu (asko, nahikoa, gutxi, batere ez). Hirugarren galderan (C), gazte emantzipatuei eskatu zaie adieraz dezatela zein neurritan uste duten probablea dela (seguru aski bai, agian bai, ez duzu uste, seguruenik ez) urtebetean gurasoekin bizitzera itzuli behar izatea, eta laugarrenean (D) zein neurritan (asko, nahikoa, gutxi, batere ez) nahi duten gurasoekin bizitzera bueltatu.

Adierazlea kalkulatzeko, kontuan hartu da, emantzipatu gabeko gazteen artean, urtebeteko epean euren kabuz bizitzea ez dela probablea uste dutenen ehunekoa, nahiz eta emantzipatzeko gogoak izan. Era berean, kontuan hartu da, emantzipatutako gazteen artean, urtebeteko epean seguru aski edo agian gurasoen etxera bueltatu behar izango dutenen ehunekoa, horretarako gogo gutxi edo batere ez izan arren.

EZA = (A = Ez duzu uste edo Seguruenik ez & B = Asko edo Nahikoa) +
(C = Seguru aski bai edo Agian bai & D = Gutxi edo Batere ez)

9

Gazteen gaitasuneko konfiantza indizea (GGKI)

Adierazlea galdera batean oinarritzen da. Bertan inkestatuei galdetu zaie, euren ustez, zein neurritan (oso, nahikoa, ez oso edo batere ez) egungo Euskadiko gazteak diren langileak, arduratsuak, kualifikatuak, parte-hartzaileak eta gai publikoek kezkatuak, ekintzaileak, idealistak, autonomoak eta bere kabuz moldatzeko gai.

Adierazlea kalkulatzeko, adierazitako ezaugarrietako bakoitzean kenketa egin da gazteek ezaugarri horiek neurri handian edo nahikoan dituztela uste dutenen eta gutxi edo batere ez dituztela uste dutenen ehunekoen artean. Erantzunik eman ez dutenen ehunekoak ez dira aintzat hartu.

LANGILEA (L) = [(% Oso + Nahikoa) - (% Ez oso + Batere ez)]

ARDURATSUA (AR) = [(% Oso + Nahikoa) - (% Ez oso + Batere ez)]

KUALIFIKATUA (K) = [(% Oso + Nahikoa) - (% Ez oso + Batere ez)]

PARTE-HARTZAILEA (P) = [(% Oso + Nahikoa) - (% Ez oso + Batere ez)]

EKINTZAILEA (E) = [(% Oso + Nahikoa) - (% Ez oso + Batere ez)]

IDEALISTA (I) = [(% Oso + Nahikoa) - (% Ez oso + Batere ez)]

AUTONOMOA (AU) = [(% Oso + Nahikoa) - (% Ez oso + Batere ez)]

Ondoren, kendura bakoitzari 100 gehitu zaio, zenbaki negatiboak ekiditeko, hau da, L+100; AR+100; K+100; P+100; E+100; I+100; AU+100.

Adierazle partzial horien balioa 0 eta 200 artekoa da. 100etik beherako balioek adierazten dute ez dela uste Euskadiko gazteek ezaugarri hori dutenik; 100etik gorakoak izanez gero, ordea, gure gazteen ezaugarri orokorrak direla uste izango da.

Azkenik, aurreko adierazle partzialen batez besteko aritmetikoa kalkulatu da. Eraitza zati bi egin da, 0-100 eskalara egokitze aldera.

GGKI = ([(L+100) + (AR+100) + (K+100) + (P+100) + (E+100) + (I+100) + (AU+100)] / 7) / 2

Etorkizunarekiko konfiantza indizea (EKI)

Adierazlea hiru galderatan oinarritzen da. Lehen galderan (A), bost urteko epean egoera pertsonala hobetuko dela, bere horretan geratuko dela edo okertuko dela uste duten galdetu zaie inkestatuei. Bigarrenean (B), Euskadiko gazteen egoera hobetuko dela, bere horretan geratuko dela edo okertuko dela uste duten galdetu zaie. Eta hirugarrenean (C) Euskadiko egoera orokorra hobetuko dela, bere horretan geratuko dela edo okertuko dela uste duten galdetu zaie.

Adierazlea kalkulatzeko, galdera bakoitzean, kenketa egin da egoera hobetuko dela uste dutenen eta okertuko dela uste dutenen ehunekoen artean. Ez dira kontuan hartu egoerak berdin jarraituko duela diotenen ehunekoak, ezta erantzunik eman ez dutenenak ere.

NORBERAREN EGOERARI BURUZKO AURREIKUSPENA (NEA) = (% Hobetuko da - % Okertuko da) A galderan


GAZTEEN EGOERARI BURUZKO AURREIKUSPENA (GEA) = (% Hobetuko da - % Okertuko da) B galderan

EUSKADIREN EGOERARI BURUZKO AURREIKUSPENA (EEA) = (% Hobetuko da - % Okertuko da) C galderan

Ondoren, kendura bakoitzari 100 gehitu zaio, zenbaki negatiboak ekiditeko, hau da, NEA+100, GEA+100 eta EEA+100.

Adierazle partzial hauen balioa 0 eta 200 artekoa da. 100etik beherako balioek aurreikuspen ezkorrak adierazten dituzte; 100etik gorakoek, aurreikuspen baikorrak.

Azkenik, aurreko hiru adierazle partzialen batez besteko aritmetikoa kalkulatu da. Emaitza zati bi egin da, 0-100 eskalara egokitze aldera.

$$EKI = ([(NEA+100) + (GEA +100) + (EEA + 100)] / 3) / 2$$




EUSKO JAURLARITZA
Gobierno Vasco

LEHENDAKARITZA
Lehendakariaren Kabinetearen Zuzendaritza
Prospekzio Soziologikoen Kabinetea

PRESIDENCIA
Dirección de Gabinete del Lehendakari
Gabinete de Prospección Sociológica



Gazteen
Euskal Behatokia
Observatorio Vasco
de la Juventud